

J.P. „RAD“ d.o.o. Lukavac
Broj: 02-10- 4554 /23
Lukavac, 20.09.2023. godine

Na osnovu člana 20a. Zakona o radu FBiH („Službene novine FBiH“, broj: 26/16, 89/18 i 44/22), člana 4. Uredbe o postupku prijema u radni odnos u javnom sektoru u TK („Službene novine TK“, broj: 4/19, 4/20, 11/20 i 5/21), člana 53. Statuta J.P. „RAD“ d.o.o. Lukavac, člana 8. Pravilnika o radu J.P. „RAD“ d.o.o. Lukavac te Odluke o potrebi prijema radnika broj: 02-10-4511/23 od 18.09.2023. godine, direktor J.P. „RAD“ d.o.o. Lukavac raspisuje

JAVNI OGLAS za prijem radnika u radni odnos

I

J.P. „RAD“ d.o.o. Lukavac raspisuje Javni oglas za prijem 4 (četiri) radnika u radni odnos sa punim radnim vremenom na neodređeno vrijeme (u daljem tekstu: Javni oglas) na sljedeća radna mjesta:

1. Vodoinstalater u okviru Odjela vodovoda i kanalizacije - 1 (jedan) izvršilac
2. Radnik na održavanju higijene grada i zelenih površina II grupa u okviru Odjela prikupljanja i odvoza komunalnog otpada i održavanja higijene grada - 3 (tri) izvršioca

II

Pored općih uslova utvrđenih Zakonom o radu FBiH, kandidati moraju ispunjavati i sljedeće posebne uslove:

1) Kandidati koji se prijavljuju na radno mjesto pod rednim brojem **1) Vodoinstalater** u okviru Odjela vodovoda i kanalizacije – 1 izvršilac:

1. III stepen stručne spreme, završeno srednje obrazovanje - KV Vodoinstalater ili KV drugog tehničkog smjera (dokaz: diploma o sticanju III stepena stručne spreme - KV Vodoinstalater ili KV drugog tehničkog smjera)

Kratak opis poslova: obavlja poslove na pripremi, montiranju i održavanju cijevi i drugih uređaja za snadbijevanje vodom i za oticanje otpadnih voda kao i sanitarnih uređaja, izvodi radove na priključku radnih objekata na vodovodnu i kanalizacionu mrežu, vrši radove na redovnom održavanju vodovodne i kanalizacione mreže, vrši zamjenu vodomjera, po potrebi vrši očitavanje mjerača protoka vode, vrši kontrolu utroška vode na terenu na zahtjev potrošača, obavlja i druge poslove po nalogu poslovođe i rukovodioca odjela.

2) Kandidati koji se prijavljuju na radno mjesto pod rednim brojem **2) Radnik na održavanju higijene grada i zelenih površina II grupa** u okviru Odjela prikupljanja i odvoza komunalnog otpada i održavanja higijene grada

1. Nekvalificirani radnik (NK), završeno osnovno obrazovanje, odnosno završena osnovna škola (dokaz: svjedočanstvo o završenom osnovnom obrazovanju)

Kratak opis poslova: vrši jednostavne poslove na održavanju higijene grada i zelenih površina, ručno i mašinsko čišćenje ulica, trotoara i ostalih javnih površina, sakuplja otpad sa zelenih površina, vrši poslove orezivanja drveća, zelene ograde i ostalog ukrasnog bilja, vrši ručno okopavanje ukrasnih sadnica i drveća, obavlja poslove na odvozu otpada kada se za to ukaže potreba, obavlja i druge poslove po nalogu rukovodioca i poslovođe odjela.

III

Potrebni dokumenti:

1. uredno popunjen i potpisan prijavni obrazac (preuzet sa web stranice preduzeća www.jpradlukavac.ba.) ili na protokolu preduzeća na adresi ul. Partizanski put bb, 75300

Lukavac;

2. kraća biografija sa kontakt podacima (adresa, telefon, e-mail);
3. uvjerenje o državljanstvu, ne starije od šest mjeseci, pri čemu se navedeni rok računa od dana izdavanja uvjerenja od strane nadležnog organa do dana predaje prijave na Javni oglas, original ili ovjerena fotokopija;
4. izvod iz matične knjige rođenih (neograničeni rok važenja), original ili ovjerena fotokopija;
5. Obrazac PBA-3 - Obavještenje o mjestu prebivališta-boravišta (CIPS), ne starije od 30 dana pri čemu se navedeni rok računa od dana izdavanja uvjerenja od strane nadležnog organa do dana predaje prijave na Javni oglas, original ili ovjerena fotokopija;
6. dokaz o stručnoj spremi prema uslovima iz tačke II 1) i 2) Javnog oglasa (original ili ovjerena fotokopija - datum ovjere fotokopije ne smije biti stariji od tri mjeseca računajući od dana predaje prijave na Javni oglas);
7. potvrdu/uvjerenje kojim se dokazuje prednost pri zapošljavanju (za kandidate koji imaju prioritet u zapošljavanju po posebnom propisima), original ili ovjerena fotokopija - datum ovjere fotokopije ne smije biti stariji od tri mjeseca računajući od dana predaje prijave na Javni oglas.

Komisija za izbor kandidata za prijem u radni odnos zadržava pravo provjere svih podataka iz izjava i drugih dokumenata kandidata.

IV

Izabrani kandidat dužan je prije stupanja na rad priložiti Uvjerenje o zdravstvenoj sposobnosti - Ljekarsko uvjerenje nadležne zdravstvene ustanove kao dokaz da njegovo zdravstveno stanje i psihofizičke sposobnosti odgovaraju uslovima radnog mjesta za koje je raspisan Javni oglas.

V

Sa kandidatima koji ispunjavaju opće i posebne uslove Javnog oglasa i koji blagovremeno dostave potpunu dokumentaciju kako je traženo Javnim oglasom biće održan usmeni ispit o čemu će kandidati biti pismeno obavješteni.

VI

Radni odnos zasniva se na neodređeno vrijeme.

Nije predviđeno ugovaranje probnog rada.

VII

Ovaj Javni oglas objavit će se u dnevnom listu „Dnevni avaz“ i na web stranici J.P. „RAD“ d.o.o. Lukavac www.jpradlukavac.ba.

Rok za podnošenje prijave na Javni oglas je 8 (osam) dana počev od narednog dana od dana objave u dnevnom listu „Dnevni avaz“.

VIII

Prilikom izbora kandidata prednost će imati kandidati koji po posebnom zakonu imaju prioritet u zapošljavanju. Prioritet u zapošljavanju kandidati dokazuju odgovarajućim propisanim dokumentirna (potvrda, uvjerenje i sl.) koje prilažu uz prijavu na Javni oglas, pozivajući se na poseban zakon po kojem imaju prednost.

IX

Za prijavu na Javni oglas potrebno je popunjen PRIJAVNI OBRAZAC sa dokazima o ispunjavanju uslova iz Javnog oglasa dostaviti u zatvorenoj koverti lično na protokol preduzeća ili putem pošte na adresu: J.P. „RAD“ d.o.o. Lukavac, Partizanski put bb, 75300 Lukavac, sa naznakom "Prijava na Javni oglas za prijem u radni odnos na radno mjesto pod rednim brojem: _____ (navesti broj i naziv radnog mjesta)".

Nepotpune, neblagovremene i neuredne prijave neće se uzeti u razmatranje.

DIREKTOR
J.P. „RAD“ d.o.o. Lukavac

Muminović Fuad, dipl.maš.ing.